

佛說阿閼佛國經

後漢月支三藏支婁迦識譯



南無本師釋迦牟尼佛

說明

本繁體校正版《佛說阿闍佛國經》電子書，根據《乾隆大藏經》大乘寶積部，第 0025 部，後漢月支三藏支婁迦讖譯《佛說阿闍佛國經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年五月



掃碼關注仁慧草堂微信公眾號

目 录

起誦儀	- 1 -
香讚	- 1 -
淨口業真言	- 1 -
淨三業真言	- 1 -
安土地真言	- 1 -
普供養真言	- 1 -
開經偈	- 2 -
佛說阿閼佛國經卷上	- 3 -
阿閼佛發意受慧品第一	- 3 -
阿閼佛刹善快品第二	- 20 -
佛說阿閼佛國經卷中	- 29 -
弟子學成品第三	- 29 -
諸菩薩學成品第四	- 35 -
佛說阿閼佛國經卷下	- 46 -
阿閼佛般泥洹品第五	- 46 -
結誦儀	- 63 -
補闕真言	- 63 -
補闕圓滿真言	- 63 -
普回向真言	- 63 -
禮佛發願文	- 64 -
迴向偈	- 65 -
三皈依	- 66 -

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說阿闍佛國經卷上¹

後漢月支三藏支婁迦讖譯²

阿闍佛發意受慧品第一³

聞如是：

一時，佛在羅閱祇耆闍崛山中，與大比丘眾⁴千二百五十人俱，皆阿羅漢也，生死已斷，無復有結，悉壞牢獄，已得自在意，已善解智慧，為度諸天、龍王，皆為之伏，所作已辦，諸當為者已脫重擔，便得所有，用正慧解，意得自在，所度無極。獨阿難未也。

爾時，賢者舍利弗起，長跪叉手白⁵佛言：「善哉，天中天！昔者諸菩薩求無上正真道者，行德號發意便得至號。是諸菩薩以義⁶哀念安隱諸天及世間人，為作安諦，多所安隱，於眾人民以義⁷故哀念安定，以大身於世間無蓋哀傷諸天及人。今現在及過去諸菩薩摩訶薩為現光明乃至法之

¹ 大正藏：阿闍佛國經卷上

² 大正藏：後漢月支國三藏支婁迦讖譯

³ 大正藏：發意受慧品第一

⁴ 大正藏：大比丘眾比丘；永樂北藏及龍藏：大比丘眾

⁵ 大正藏：而白；永樂北藏及龍藏：白

⁶ 大正藏：儀；永樂北藏及龍藏：義

⁷ 大正藏：儀；永樂北藏及龍藏：義

明為作照明，令至佛光明而無有名。若有求菩薩道者，當如昔⁸諸菩薩摩訶薩所願及行明照并僧那令入諸德⁹號，已¹⁰聞者當如是學奉行之。學如是者，即為成阿惟越致及無上正真道也。」

佛言：「善哉，賢者舍利弗，所問甚善。汝乃問過去諸菩薩摩訶薩所願及行照明并僧那令至所號，念諸當來菩薩令受取之。諦聽是，舍利弗，善思念之，為汝解說過去諸菩薩摩訶薩所施行。」

舍利弗言：「唯然，世尊！願樂欲聞。」

佛語¹¹舍利弗：「有世界名阿比羅提，其佛名大目，於彼為諸菩薩摩訶薩說法及六度無極之行。」

爾時，賢者舍利弗心念言：「我欲問如來、天中天：何所是阿比羅提世界及大目如來、無所著、等正覺為諸菩薩摩訶薩說法及六度無極之行者乎？」

時，佛即知賢者舍利弗心所念，告舍利弗言：「東方去是千佛剎，有世界名阿比羅提，其佛名大目如來、無所著、等正覺，為諸菩薩說法及六

⁸ 大正藏：昔者；永樂北藏及龍藏：昔

⁹ 大正藏：德；永樂北藏及龍藏：諸德

¹⁰ 大正藏：以；永樂北藏及龍藏：已

¹¹ 大正藏：告；永樂北藏及龍藏：語

度無極之行¹²。

「時，有比丘從坐起，正衣服，右膝著地，向大目如來叉手，白大目如來言：『唯，天中天！我欲如菩薩結願，學所當學者。』」

「如是，舍利弗，其大目如來告其比丘言：『如結願學諸菩薩道者甚亦難。所以者何？菩薩於一切人民及蝸飛、蠕動之類不得有瞋恚。』」

「如是，舍利弗，其比丘白大目如來言：『天中天！我從今已¹³往發無上正真道意，以意勸助而不離之，用願無上正真道也，當令無諛諂，所語至誠，所言無異。』」

「『唯，天中天！我發是薩芸若意，審如是願為無上正真道者，若於一切人民、蝸飛、蠕動之類起是瞋恚第一意，若發弟子緣一覺意第二意，¹⁴唯意念婬欲第三，若發意念睡眠念眾想猶豫¹⁵第四，發意念狐疑第五，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。』」

「『唯，天中天！我發是薩芸若意，審如是願為無上正真道者，若我發意念殺生者第一，若

¹² 大正藏：行者乎；永樂北藏及龍藏：行

¹³ 大正藏：以；永樂北藏及龍藏：已

¹⁴ 大正藏：二；永樂北藏及龍藏：二意

¹⁵ 大正藏：由譽；永樂北藏及龍藏：猶豫

發意念盜取他人財物第二，若發意念非梵行者第三，若發意念妄語¹⁶第四，若發意念悔恨第五，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。

「『唯，天中天！我發是薩芸若意，審如是願為無上正真道者，若我發意念罵詈第一，若發意念惡口第二，愚癡第三，若發意念綺語第四，若發意念邪見第五，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。』」

佛語舍利弗：「其比丘如是為己¹⁷被是大僧那僧涅——菩薩摩訶薩初發是意，乃於一切人民、蜎飛、蠕動之類意無瞋怒、亦無恚恨也。

「舍利弗，爾時，其菩薩摩訶薩用無瞋恚故名之為阿閼，用無瞋恚故住阿閼地。其大目如來、無所著、等正覺亦歡喜¹⁸作是名、四天王亦歡樂為是名、天帝釋及梵三鉢亦歡樂作是名。」

佛語舍利弗：「其阿閼菩薩摩訶薩白大目如來、無所著、等正覺言：『唯，天中天！我發是

¹⁶ 大正藏：言；永樂北藏及龍藏：語

¹⁷ 大正藏：以；永樂北藏及龍藏：已

¹⁸ 大正藏：樂；永樂北藏及龍藏：喜

薩芸若意，審如是不離願、為無上正真道者，不奉行如今所語、常不捨得律行迹、不發薩芸若意而欲念成佛者，世世不常作沙門；世世不常著補納之衣；世世作沙門以三法衣不具，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。

「『唯，天中天！我發薩芸若意，審如是願為無上正真道者，世世不常為人說法；世世不常作法師；世世所說事不有無所罣礙高明之行；世世不有無量高明之智；世世作沙門不常行分衛，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。

「『唯，天中天！我發是薩芸若意，審如是願為無上正真道者，世世作沙門已不常在樹下坐，世世不常精進行三事。何等三？一者，經行；二者，坐；三者，住；世世若發意念罪本、妄語欺人、誹謗讒言；世世為女人說法及餘¹⁹因緣若起想著笑為說法者，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。

¹⁹ 大正藏：食飲；永樂北藏及龍藏：餘

「『唯，天中天！我發是薩芸若意，審如是願為無上正真道者，世世若舉手說法；世世見餘菩薩不發佛心；世世若發意念供養外異道人，捨諸如來；世世若在坐上聽法，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。」

「『唯，天中天！我發是薩芸若意，審如是願為無上正真道者，世世若發意念：「我當布施與某、不布施與某。」世世若發意念：「我當於某處立福施、於某處不立福施。」世世若發意念：「我常持法施與某、不持法施與某。」世世見孤窮困²⁰其人故不自分²¹身命，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。」

「『唯，天中天！我發是薩芸若意，審如是願為無上正真道者，我世世於諸菩薩所意無有異，至無上正真最正覺也。』」

佛語舍利弗：「爾時，其比丘如是，如來、無所著、等正覺為作保任。若如來為作保任者，諸天、阿須輪²²、世間人民亦為作保任。爾時，

²⁰ 大正藏：用；永樂北藏及龍藏：困

²¹ 大正藏：分；永樂北藏及龍藏：自分

²² 大正藏：倫；永樂北藏及龍藏：輪

大目如來為作保任，時諸天、阿須輪²³、世間人民亦為作保任。」

佛言：「若復有比丘菩薩摩訶薩，以是色像僧那求無上正真道者，皆當成無上正真道最正覺²⁴。」

佛語舍利弗：「其阿閼菩薩白大目如來、無所著等正覺：『唯，天中天！我發是薩芸若意，審如是願為無上正真道者，令我成最正覺時，其刹所有比丘、比丘尼、優婆塞、優婆夷，若有罪惡者及讒罪惡者，我為欺是諸佛世尊——諸不可計無央數不可思議無量世界中諸佛、天中天今現在說法者。

「『復次，天中天！我當修行乃至成無上正真道最正覺，令我佛刹諸弟子，一切皆無有罪惡者，我當修佛道至令佛刹嚴淨。

「『唯，天中天！我發是薩芸若意，審如是願為無上正真道者，我若於夢中不失²⁵精進²⁶，乃至成最正覺，我為欺是諸佛世尊——諸不可計無央數不可思議無量世界中諸佛、天中天今現在說法者。

²³ 大正藏：倫；永樂北藏及龍藏：輪

²⁴ 大正藏：最正覺也；永樂北藏及龍藏：最正覺

²⁵ 大正藏：失；永樂北藏及龍藏：不失

²⁶ 大正藏：精；永樂北藏及龍藏：精進

「『復次，天中天！我當修行乃至成無上正真道最正覺，令我佛刹中諸菩薩出家為道者，於夢中不失精進²⁷。』

「『唯，天中天！我發是薩芸若意，審如是願為無上正真道者，世間母人有諸惡露，我成最正覺時，我佛刹中母人有諸惡露者，我為欺是諸佛世尊——諸不可計無央數不可思議無量世界中諸佛、天中天今現在說法者。』

「是為菩薩法事如意所念行，佛亦為如應說法。」

佛語舍利弗：「爾時，有一比丘謂阿閼菩薩摩訶薩乃作是結願：『若使不退轉者，當以右指按²⁸地令大震動。』

「爾時，阿閼菩薩應時承佛威神，自蒙高明力，乃令地六反震動。阿閼菩薩摩訶薩所感動，如語無有異也。」

佛語舍利弗：「若有菩薩欲成無上正真道最正覺²⁹，當學阿閼菩薩摩訶薩行。菩薩摩訶薩以學阿閼菩薩行者，不久亦當即取佛刹土，當復成無上正真道最正覺也。」

²⁷ 大正藏：精；永樂北藏及龍藏：精進

²⁸ 大正藏：案；永樂北藏及龍藏：按

²⁹ 大正藏：最正覺者；永樂北藏及龍藏：最正覺

爾時，賢者舍利弗問佛言：「天中天！阿閼菩薩摩訶薩初發意時，有幾何天在會中？」

佛告舍利弗：「阿閼菩薩初發意學時，三千大千世界中四天王天、帝釋及弊³⁰魔、梵三鉢一切皆向阿閼菩薩叉手說是語：『昔所不聞是僧那。』」

「諸天聞已³¹便說言：『阿閼菩薩成無上正真道，若有人生其佛刹者，是人福德不少³²也。』」

賢者舍利弗白佛言：「未曾聞餘菩薩摩訶薩以是色像學僧那，我亦不見亦不聞如阿閼菩薩摩訶薩及天中天為作如是之名。」

佛言：「如是也。舍利弗，少有菩薩摩訶薩以是色像學僧那及無上正真道如阿閼菩薩摩訶薩。於是，舍利弗，陂陀劫中，諸菩薩摩訶薩其德不及阿閼菩薩摩訶薩之功德也。」

佛語舍利弗：「爾時，大³³目如來、無所著、等正覺授阿閼菩薩無上正真道決：『汝當來作³⁴佛，號名³⁵阿閼如來、無所著、等正覺，成慧之行而為師父，安定世間無上大人，為法之御，天上天

³⁰ 大正藏：慙；永樂北藏及龍藏：弊

³¹ 大正藏：以；永樂北藏及龍藏：已

³² 大正藏：小；永樂北藏及龍藏：少

³³ 大正藏：其大；永樂北藏及龍藏：大

³⁴ 大正藏：為當來；永樂北藏及龍藏：當來作

³⁵ 大正藏：號；永樂北藏及龍藏：號名

下尊，佛、天中天。亦如提和³⁶竭佛授我決。』

時佛語舍利弗：「大目如來授阿閼菩薩摩訶薩無上正真道決時，其三千大千世界皆為大明；譬我亦如是，受³⁷無上正真道決時，是³⁸三千大千世界皆為大明。

「復次，舍利弗，其阿閼菩薩摩訶薩成無上正真道最正覺、得薩芸若慧時，其三千大千世界六反震動；譬我亦如是，成無上正真道、得薩芸若³⁹慧時，是三⁴⁰千大千世界六⁴¹反震動。

「復次，舍利弗，阿閼菩薩摩訶薩受⁴²無上正真決⁴³時，是三千大千世界中諸藥、樹木一切皆自屈⁴⁴低向阿閼菩薩作禮；譬我亦如是，成無上正真道最正覺、得薩芸若慧時，是三千大千世界諸藥、樹木一切皆自由低向我作禮。

「復次，舍利弗，其大目如來、無所著、等正覺授阿閼菩薩摩訶薩無上正真道決時，其三千大千世界中諸天、龍、鬼神、捷沓怛、阿須輪⁴⁵、

³⁶ 大正藏：洹；永樂北藏及龍藏：和

³⁷ 大正藏：授；永樂北藏及龍藏：受

³⁸ 大正藏：其；永樂北藏及龍藏：是

³⁹ 大正藏：薩芸；永樂北藏及龍藏：薩芸若

⁴⁰ 大正藏：三；永樂北藏及龍藏：是三

⁴¹ 大正藏：為六；永樂北藏及龍藏：六

⁴² 大正藏：授；永樂北藏及龍藏：受

⁴³ 大正藏：道決；永樂北藏及龍藏：決

⁴⁴ 大正藏：曲；永樂北藏及龍藏：屈

⁴⁵ 大正藏：輪；永樂北藏及龍藏：倫

迦留羅、真陀羅、摩休勒一切皆向阿閼菩薩叉手而作禮；譬我亦如是，成無上正真道最正覺、得薩芸若慧時，三千大千世界諸天、龍、鬼神、捷陀羅、阿須輪⁴⁶、迦留羅、真陀羅、摩休⁴⁷勒皆向我叉手作禮。

「復次，舍利弗，其大目如來、無所著、等正覺授阿閼菩薩摩訶薩無上正真道決時，遍三千大千世界諸妊身女人皆安隱產、盲者得視、聾者得聽；譬我亦如是，成無上正真道最正覺、得薩芸若慧時，是三千大千世界諸妊身女人皆安隱產、盲者得視、聾者得聽。

「復次，舍利弗，大目如來、無所著、等正覺授阿閼菩薩摩訶薩無上正真道決時，遍三千大千世界中人、非人皆燒香；譬我亦如是，成無上正真道最正覺、得薩芸若慧時，遍三千大千世界中人、非人皆燒香。」

賢者舍利弗白佛言：「阿閼菩薩摩訶薩乃有是無極之德。」

佛告舍利弗：「阿閼菩薩摩訶薩不但有功德，不獨大目如來授其決，如是不可稱說無央數功德

⁴⁶ 大正藏：輪；永樂北藏及龍藏：倫

⁴⁷ 大正藏：睺；永樂北藏及龍藏：休

得度無極。

「復次，舍利弗，大目如來授阿閼菩薩摩訶薩無上正真道決時，諸天、阿須輪⁴⁸、世間人其意皆安隱，悉得其時；譬我亦如是，成無上正真道最正覺、得薩芸若慧時，諸天、阿須輪⁴⁹、世間人意皆得安隱，悉得其時。

「復次，舍利弗，其大目如來授阿閼菩薩摩訶薩無上正真道決時，和夷羅、鬼神常隨後護之：譬我亦如是，成無上正真道最正覺、得薩芸若慧時，和夷羅、鬼神常隨我後行。

「復次，舍利弗，大目如來授阿閼菩薩摩訶薩無上正真道最正覺、得薩芸若慧時，諸天、阿須輪⁵⁰、世間人，以天華、天香供養之；譬我亦如是，成無上正真道最正覺、得薩芸若慧時，諸天、阿須輪⁵¹、世間人，以天華、天香來供養。

「復次，舍利弗，大目如來授阿閼菩薩摩訶薩無上正真道決時，三⁵²十億人及三十億諸天發無上正真道意，大目如來、無所著等正覺皆授其決。

⁴⁸ 大正藏：倫；永樂北藏及龍藏：輪

⁴⁹ 大正藏：脩羅；永樂北藏及龍藏：須輪

⁵⁰ 大正藏：脩羅；永樂北藏及龍藏：須輪

⁵¹ 大正藏：脩羅；永樂北藏及龍藏：須輪

⁵² 大正藏：二；永樂北藏及龍藏：三

「復次，舍利弗，大目如來、無所著、等正覺授阿閼菩薩摩訶薩無上正真道決時，其地大動，自然生優鉢華、蓮華、拘文華、分陀利華布其地；譬我亦如是，成無上正真道最正覺、得薩芸若慧時，其地大動⁵³自然生優鉢華、蓮華、拘文華、分陀利華布其地。

「復次，舍利弗，大目如來、無所著、等正覺授阿閼菩薩摩訶薩無上正真道決時，若干百天人、若干千天人、若干百千諸天人住於虛空，以天衣用散阿閼菩薩上，即說言是⁵⁴：『菩薩摩訶薩當疾⁵⁵成無上正真道最正覺也。』

「復次，舍利弗，大目如來授阿閼菩薩摩訶薩無上正真道決，爾時，諸天、阿須輪⁵⁶、世間人民相愛劇父母哀其子；譬我亦如是，成無上正真道最正覺時，諸天、阿須輪⁵⁷、世間人民相愛劇父母哀其子也。

「復次，舍利弗，大目如來授阿閼菩薩摩訶薩無上正真道決時，其三千大千世界中諸天及人民，承佛威神皆聞授阿閼菩薩決。

⁵³ 大正藏：大地；永樂北藏及龍藏：其地大動

⁵⁴ 大正藏：是言；永樂北藏及龍藏：言是

⁵⁵ 大正藏：度；永樂北藏及龍藏：疾

⁵⁶ 大正藏：羅；永樂北藏及龍藏：輪

⁵⁷ 大正藏：脩羅；永樂北藏及龍藏：須輪

「如是，舍利弗，昔授菩薩決時，其此月⁵⁸中人民一心布施，為福德快飲食，若有求索者已⁵⁹所喜而施與。譬我亦如是，成無上正真道最正覺時，是三千大千世界中諸天及人民皆承佛威神聞授決時。如是，舍利弗，昔此月⁶⁰中人民一心布施，為福德快飲食，若有求索者已⁶¹所喜而施與。

「復次，舍利弗，其大目如來授阿閼菩薩摩訶薩無上正真⁶²道決時，諸欲界天人⁶³悉鼓天妓⁶⁴樂供養。

「舍利弗，是阿閼菩薩摩訶薩受⁶⁵決時之功德行。」

賢者舍利弗白佛言：「難及，天中天！如來、無所著、等正⁶⁶覺誠諦說之，不可思議諸佛佛之境界、不可思議諸神神之境界、不可思議諸龍龍之境界⁶⁷。乃從阿閼菩薩摩訶薩初發意學受得此功德。天中天！是阿閼菩薩摩訶薩受⁶⁸決時亦不

⁵⁸ 大正藏：國；永樂北藏及龍藏：月

⁵⁹ 大正藏：以；永樂北藏及龍藏：已

⁶⁰ 大正藏：國；永樂北藏及龍藏：月

⁶¹ 大正藏：以；永樂北藏及龍藏：已

⁶² 大正藏：覺；永樂北藏及龍藏：真

⁶³ 大正藏：天；永樂北藏及龍藏：天人

⁶⁴ 大正藏：伎；永樂北藏及龍藏：妓

⁶⁵ 大正藏：授；永樂北藏及龍藏：受

⁶⁶ 大正藏：正；永樂北藏及龍藏：等正

⁶⁷ 大正藏：不可思議諸龍龍之境界、不可思議諸龍之境界；永樂北藏及龍藏：不可思議諸龍龍之境界

⁶⁸ 大正藏：授；永樂北藏及龍藏：受

可思議。」

是時，賢者阿難謂賢者舍利弗：「阿閼菩薩摩訶薩初發意學僧那及德⁶⁹號如是也？」

舍利弗謂阿難言：「是皆有因緣所致，阿閼菩薩摩訶薩初發意學僧那及德號，今佛當廣解說之。」

時，佛告舍利弗言：「阿閼菩薩初發是意時，可令虛空有異，我所結願不可使有異，彼⁷⁰僧那僧涅乃如是。」

佛語舍利弗：「如阿閼菩薩摩訶薩所被僧那僧涅，寶英菩薩摩訶薩亦從阿閼菩薩學行。舍利弗，無央數菩薩不能及知阿閼菩薩所被僧那僧涅甚堅積累德行乃如是。」

「舍利弗，其阿閼菩薩以成無上正真道⁷¹、最正覺，今現在阿比羅提世界。」

「阿閼如來、無所著、等正覺行菩薩道時，世世人求手足、及頭、目、肌肉，終不逆人意也。」

「舍利弗，阿閼如來從初發意至成無上正真道最正覺，不中有頭痛，亦無風氣、上膈⁷²之病。」

舍利弗，是阿閼如來、無所著、等正覺昔行菩薩

⁶⁹ 大正藏：得；永樂北藏及龍藏：德

⁷⁰ 大正藏：被；永樂北藏及龍藏：彼

⁷¹ 大正藏：正真道也；永樂北藏及龍藏：正真道

⁷² 大正藏：隔；永樂北藏及龍藏：膈

道時甚難及、未曾有之法。

「阿閼如來昔行菩薩道時，世世見如來，一切常奉梵行，世世亦作，是名阿閼菩薩從一佛剎復遊一佛剎，所至到處日常見諸天中天生於彼。」

佛言：「舍利弗，譬如轉輪王得天下，所從一觀復至一觀足未曾蹈地，所至常以五樂自娛，得自在至盡壽。如是，舍利弗，阿閼如來行菩薩道行時⁷³，世世常自見如來、無所著、等正覺、常修梵行，於彼所說法時一切皆行度無極，少有行弟子道。彼所行度無極為說法，有立於佛道者便勸助為現正，令歡喜踊躍，皆令修無上正真道，便發是大尊意：『彼說法時，諸所德本以願持作無上正真道。我持是德本願無上正真道成最正覺時說法，令我佛剎中諸菩薩摩訶薩，佛說法時承佛威神皆受、諷誦、持之。諷誦已，是諸菩薩摩訶薩從一佛剎復遊一佛剎，意常樂諸佛、天中天，至成無上正真道最正覺。我亦如是，從一佛剎復遊一佛剎，即住於兜術天得一生補處之法。』」

佛復語舍利弗：「如是，諸菩薩摩訶薩從兜術天自以神力下入母腹中，從右脇生。菩薩生墮地時，地為大動，以修行有是應。菩薩在母腹中

⁷³ 大正藏：行；永樂北藏及龍藏：行時

時都無有臭處，亦無惡露，亦無不可意。」

時，佛語舍利弗：「譬如神通比丘，若入交⁷⁴露精舍，於虛空中遊行周匝，虛空中行於交⁷⁵露精舍無所觸礙。如是，舍利弗，菩薩入母腹中時，如在虛空中遊觀周匝，無所觸礙，亦無臭處。其阿閼如來昔行菩薩道時如是；我亦如是，行無上正真道時一切皆破壞魔事，我如是成無上正真道最正覺。

「阿閼佛刹求菩薩道及求⁷⁶弟子道者，皆破壞諸惡，降伏魔眾⁷⁷，一切皆盡，其佛刹人民不復作魔事：『我當修是佛道隨至⁷⁸得出家學道。』」

佛語舍利弗：「阿閼如來、無所著、等正覺昔行菩薩道聽說法時，其身不生疲極，意亦不念疲極。舍利弗，阿閼如來者⁷⁹求菩薩道，聽說法時：『如是好法，令我佛刹中諸菩薩摩訶薩好法如是。』」

⁷⁴ 大正藏：絞；永樂北藏及龍藏：交

⁷⁵ 大正藏：絞；永樂北藏及龍藏：交

⁷⁶ 大正藏：及；永樂北藏及龍藏：及求

⁷⁷ 大正藏：眾魔；永樂北藏及龍藏：魔眾

⁷⁸ 大正藏：至；永樂北藏及龍藏：隨至

⁷⁹ 大正藏：昔；永樂北藏及龍藏：者

阿閼佛刹善快品第二

賢者舍利弗白佛言：「天中天！是阿閼如來、無所著、等正覺昔行德號時以成號阿閼如來。甚善！天中天！願佛當復廣說其佛刹之善快。所以者何？若有求菩薩道者，聞知彼佛刹之善快及阿閼如來所現行教授；若復有求弟子道未得度者，聞彼佛刹之善快及阿閼如來所現教授恭敬清淨之行。」

佛言：「善哉！善哉！舍利弗，所問甚善，汝問佛善⁸⁰快乃如是念阿閼佛刹之善快。

「阿閼如來成無上正真道最正覺、得薩芸若慧時，其三千大千世界皆為大明，地六反震動。

「阿閼如來成最正覺時，其三千大千世界中諸人民，七日不食飲，亦不妄食飲，亦不妄諛諂，身亦無疲極之想。如是也，俱想念安隱，好喜相愛意⁸¹，歡喜意以得時念。爾時，諸人民、諸欲天皆棄穢濁思想。所以者何？用阿閼如來昔時願所致得是德號，其三千大千世界一切人民叉手向阿閼如來。其佛刹如是，無央數佛刹不及是阿閼

⁸⁰ 大正藏：善；永樂北藏及龍藏：善

⁸¹ 大正藏：敬；永樂北藏及龍藏：意

佛刹之善快。

「舍利弗，是為阿閼如來昔行菩薩道之所願而有持。諸菩薩摩訶薩所願有持者，佛⁸²刹便善快。」

佛語舍利弗：「我昔行菩薩道時，如所願今自然得之。阿閼如來成無上正真道最正覺時，其三千大千世界諸人民得天眼者、未得天眼者皆見其光明。舍利弗，是為阿閼如來昔行菩薩道時所願而有持。」

佛復語舍利弗：「阿閼如來成無上正真道最正覺往詣佛樹時，諸弊⁸³魔不能發念，何況當復能往憍薩芸若⁸⁴？舍利弗，是為阿閼如來昔行菩薩道時所願而有持。」

「復次，舍利弗，阿閼如來成無上正真道最正覺、得薩芸若慧時，無央數那術億百千諸天人於虛空住，以天華、天栴檀、雜香、天搗香、妓⁸⁵樂供養，散阿閼佛上。供養已，其天華、天香、天搗香、天栴檀香、天雜香悉於虛空中合住，化成圓華蓋。舍利弗，是為阿閼如來昔行菩薩道時所願而有持。」

⁸² 大正藏：佛佛；永樂北藏及龍藏：佛

⁸³ 大正藏：慙；永樂北藏及龍藏：弊

⁸⁴ 大正藏：若慧；永樂北藏及龍藏：若

⁸⁵ 大正藏：伎；永樂北藏及龍藏：妓

「阿閼如來光明皆照明三千大千世界常明，阿閼如來光明悉蔽日、月之光明，及一切諸天光明皆令滅，使人民不復見日、月之明。舍利弗，是為阿閼如來昔行菩薩道時所願而有持。」

賢者舍利弗白佛言：「天中天！阿閼如來、無所著、等正覺昔行菩薩道時，以被是大僧那僧涅乃作是願？」

佛言：「昔行菩薩道時，若干百千人、不可復計無央數人積累德本，於無上正真道持是積累德本，願作佛道及淨其佛刹，即如⁸⁶所願欲嚴其佛刹即亦具足其願。」

「復次，舍利弗，阿閼佛刹⁸⁷樹以七寶作之，高四十里，周匝二十里，其枝葉傍⁸⁸行四十里，其枝下垂，其欄楯繞樹，周匝五百六十里，阿閼如來於其樹下得薩芸若慧。」

佛語舍利弗：「如世間工巧⁸⁹人鼓百種音樂，其聲不如阿閼佛刹中梯陞樹木之音聲，風遍⁹⁰起吹梯陞，樹木相扣⁹¹作悲聲。」

佛語舍利弗：「聽說阿閼如來、無所著、等

⁸⁶ 大正藏：如；永樂北藏及龍藏：即如

⁸⁷ 大正藏：佛；永樂北藏及龍藏：佛刹

⁸⁸ 大正藏：旁；永樂北藏及龍藏：傍

⁸⁹ 大正藏：巧；永樂北藏及龍藏：工巧

⁹⁰ 大正藏：適；永樂北藏及龍藏：遍

⁹¹ 大正藏：叩；永樂北藏及龍藏：扣

正覺刹中之善⁹²快，諦聽！善思念之，今當為汝說之。」

賢者舍利弗言：「唯然，世尊！願樂欲聞。」

佛言：「阿閼如來刹中無有三惡道。何等為三？一者，泥犁；二者，禽獸；三者，薜荔。一切人皆行善事。

「其地平正，生樹木無有高下，無有山陵溪⁹³谷，亦無有礫石崩山。其地，行足蹈其上即陷適⁹⁴，舉足便還復如故。譬如綰縊枕頭，枕其上即為陷適⁹⁵，舉頭便還復如故；其地如是。

「其佛刹無有三病。何等為三？一者，風；二者，寒；三者，氣。

「其佛刹人一切皆無有惡色者，亦無有醜者，其媼、怒、癡薄，其佛刹人民皆悉無有牢獄拘閉之事，一切皆無有眾邪異道。

「其刹中樹木常有花實，人民皆從樹取五色衣被，眾共用著之，其衣被甚姝妙⁹⁶，無敗色者。」

佛語舍利弗：「人民所著衣香譬如天華之香，其飯食香美如天樹香，香無⁹⁷有絕時。

⁹² 大正藏：淨；永樂北藏及龍藏：善

⁹³ 大正藏：岷；永樂北藏及龍藏：溪

⁹⁴ 大正藏：減這；永樂北藏及龍藏：陷適

⁹⁵ 大正藏：減這；永樂北藏及龍藏：陷適

⁹⁶ 大正藏：好；永樂北藏及龍藏：妙

⁹⁷ 大正藏：無；永樂北藏及龍藏：香無

「諸人民著無央數種種衣服⁹⁸，其佛刹人民隨所念食即自然在前。譬如，舍利弗，忉利天人隨所念食即自然在前。如是，其刹人民隨所念欲得何食即自然在前，人民無有貪於飲食者。

「復次，舍利弗，其佛刹人民所臥起處以七寶為交露精舍，滿無有空缺處。

「其浴池中有八味水，人民眾共用之，其水轉相灌注，諸人民終不失善法行。

「譬如，舍利弗，玉女寶過踰凡女人不及，其德如天女。如是，舍利弗，其佛刹女人德欲比玉女寶者，玉女寶不及其佛刹女人百倍、千倍、萬倍、億倍、巨億萬倍不與等。

「人民以七寶為床，上布好綉縵，悉福德致自然為坐⁹⁹。

「舍利弗，是阿閼如來、無所著、等正覺昔行菩薩道時所願而有持，阿閼佛以福德所致成佛刹如是比。」

佛復語舍利弗言：「其刹中人民飯食勝於天人飯食，其食色、香、味亦勝天人所食。

「其刹中無有王，但有法王、佛、天中天。」

⁹⁸ 大正藏：被；永樂北藏及龍藏：服

⁹⁹ 大正藏：生；永樂北藏及龍藏：坐

佛言：「舍利弗，譬如鬱單曰¹⁰⁰天下人民無有王治；如是，舍利弗，阿閼如來、無所著、等正覺佛刹無有王，但有阿閼如來、天中天、法王。

「譬如忉利天帝釋於座適¹⁰¹發念，諸天便來受其教。舍利弗，是為阿閼如來佛刹之善快。

「其刹人民不從婬欲之事。所以者何？用是阿閼如來真人法御天中天所致。

「舍利弗，是為阿閼如來昔行菩薩道時願所致令佛刹善快。」

爾時，有異比丘聞說彼佛刹之功德，即於中起婬欲意，前白佛言：「天中天！我願欲往生彼佛刹。」

佛便告其比丘言：「癡人！汝不得生彼佛刹。所以者何？不以立婬欲亂意著¹⁰²得生彼佛刹，用餘善行、法清淨行得生彼佛刹。」

佛語舍利弗：「阿閼如來佛刹有八味水，是諸人民所為悉共用之，人民意念欲令自然浴池有八味水滿其中，用人民故即自然有浴池有八味水滿其中；意念欲令水轉流行便轉流行、意欲令滅不現即滅不現。

¹⁰⁰ 大正藏：越；永樂北藏及龍藏：曰

¹⁰¹ 大正藏：坐這；永樂北藏及龍藏：座適

¹⁰² 大正藏：者；永樂北藏及龍藏：著

「其佛刹亦不大寒，亦不大熱，風徐起甚香快。是風用諸天、龍、人民故，隨所念風便起。若一人念欲令風起自吹，風即獨吹之；意念不欲令風起，風便不起。風起時不動人身，風隨人所念起。舍利弗，是為阿閼如來佛刹之善快如昔時所願。」

佛語舍利弗：「阿閼如來佛刹，女人意欲得珠璣、瓔珞者便於樹上取著之，欲得衣被者亦從樹上取衣著之¹⁰³。舍利弗，其佛刹女人無有女人之態，如我刹中女人之態也。舍利弗，我刹女人態云何？我刹女人惡，色醜、惡舌、嫉妬於法、意著邪事。我刹女人有是諸態，彼佛刹女人無有是態。所以者何？阿¹⁰⁴閼如來昔時願所致。」

佛復語舍利弗：「阿閼佛刹，女人妊身產時，身不疲極，意不念疲極，但念安隱，亦無有苦。其女人一切亦無有諸苦，亦無有臭處惡露。舍利弗，是為阿閼如來昔時願所致得是善法，其佛刹無有能及者。」

「舍利弗，阿閼佛刹人民無有治生者，亦無有販賣往來者，人民但共同快樂，安定寂行。其

¹⁰³ 大正藏：之；永樂北藏及龍藏：著之

¹⁰⁴ 大正藏：用阿；永樂北藏及龍藏：阿

佛刹人不著愛欲、婬嫉，以因緣自然受¹⁰⁵樂。其刹風起吹梯陞樹便作悲音聲。舍利弗，極好五音聲不及阿閼佛刹風吹梯陞樹木之音聲也。舍利弗，是為阿閼如來昔行佛道時，所願而有持。」

佛語舍利弗：「若有菩薩摩訶薩欲取嚴淨佛刹者，當如阿閼佛昔行菩薩道時，所願嚴淨取其刹。」

佛復語舍利弗：「阿閼佛刹無有日、月光明所照，亦無有杳¹⁰⁶冥之處，亦無有罣礙。所以者何？用阿閼如來、無所著、等正覺光明皆照三千大千世界常明。譬如交¹⁰⁷露精舍堅閉門，風不得入，好細塗以白堊之，持摩尼寶著其中，其珠便以光明照，其中諸人民晝夜承其光明。如是，舍利弗，其阿閼如來、無所著、等正覺光明常照三千大千世界。舍利弗，交¹⁰⁸露精舍者，謂是阿比羅提世界也；摩尼寶者，謂是阿閼如來也；摩尼寶光明者，謂是阿閼如來之光明也；精舍中人者，謂是阿閼佛刹中人民安樂者也。」

佛語舍利弗：「阿閼如來行所至處，於足迹下地自然生千葉金色蓮華。舍利弗，是為阿閼如

¹⁰⁵ 大正藏：愛；永樂北藏及龍藏：受

¹⁰⁶ 大正藏：窈；永樂北藏及龍藏：杳

¹⁰⁷ 大正藏：絞；永樂北藏及龍藏：交

¹⁰⁸ 大正藏：絞；永樂北藏及龍藏：交

來昔行菩薩道時，所願而有持¹⁰⁹。」

賢者舍利弗問佛言：「阿閼如來、無所著、等正覺入殿舍時，自然生千葉金色蓮華耶？為在所至處自然生乎？」

佛告賢者舍利弗：「阿閼如來若入郡國、縣邑，所至到處亦等如入殿舍時也，亦自然生千葉金色蓮華。若善男子、善女人意念欲令入殿舍足下自然生蓮華者，皆使蓮華合聚一處便合聚；意念欲令上在虛空中，承佛威神，其蓮華用人民故，便上在虛空中而羅列成行。」

佛復語舍利弗：「其三千大千世界乃如是，阿閼如來、無所著、等正覺若遣化人到他方異世界，彼亦自然生，以佛威神所致，其三千大千世界以七寶金色蓮華而莊嚴之。」

佛說阿閼佛國經卷上

¹⁰⁹ 大正藏：待；永樂北藏及龍藏：持

佛說阿閼佛國經卷中

後漢月支三藏支婁迦讖譯

弟子學成品第三¹¹⁰

佛復語舍利弗：「阿閼如來說法時，於一一說法之中，不可計無央數人隨律之行至有作阿羅漢道證者，如是比丘¹¹¹無央數諸弟子聚會及復得八惟務禪者，阿閼如來佛刹諸弟子眾不可復計。」

佛語舍利弗：「我都不見持計者與校¹¹²計詎¹¹³能計數其眾會者也。已¹¹⁴脫重擔，離於牢獄，遠於波頭犁、阿羅羅犁、阿比舍犁、阿優陀犁，如是，舍利弗，眾會不可計數諸善男子，是弟子智慧無央數不可計眾，在須陀洹、斯陀含、阿那含、阿羅漢道也。若懈怠者，得須陀洹為七生七死；是¹¹⁵說法時，其人為不得上持為七生七死。

「阿閼如來說法時，第一說法作須陀洹道證、第二說法作斯陀含道證、第三說法作阿那含道證、第四說法作阿羅漢道證者。其佛刹謂是善男子為

¹¹⁰ 大正藏：阿閼佛國經弟子學成品第三

¹¹¹ 大正藏：比；永樂北藏及龍藏：比丘

¹¹² 大正藏：校；永樂北藏及龍藏：校

¹¹³ 大正藏：巨；永樂北藏及龍藏：詎

¹¹⁴ 大正藏：以；永樂北藏及龍藏：已

¹¹⁵ 大正藏：於是；永樂北藏及龍藏：是

懈怠，用不一坐聽法作阿羅漢道證故。

「其剎須陀洹不復七上下生死，便於人間坐禪得三昧；須陀洹即於彼自以威神力作阿羅漢道證；其剎斯陀含不復往還世間，以棄眾苦便於彼得三昧，斯陀含便於其剎自以威神力作阿羅漢道證；其剎阿那含不復上生波羅尼蜜和耶越天，便於彼自以威神力作阿羅漢道證；其剎阿羅漢不上下，便於彼至無餘泥洹界般泥洹。其剎說沙門四道，如是至令得道果¹¹⁶。」

佛言：「舍利弗，若善男子、善女人於法自在者不復失學住、亦不失學餘事，如是於不學地便般泥洹也。無所學地謂是阿羅漢地。舍利弗，是為阿閼如來、無所著、等正覺剎諸弟子學成，無有羸立在上好要處者，謂是阿閼如來剎弟子眾阿羅漢也。生死已斷，所作而辦，所當為者已¹¹⁷脫重擔，便得所有，盡壞勤苦牢獄之事，以中正解，復知八維無禪。阿羅漢行八維無禪，舍利弗，是為阿閼如來剎弟子之善行，是為阿羅漢之功德所為法¹¹⁸行。

「其剎以三寶為梯陞：一者，金；二者，銀；

¹¹⁶ 大正藏：住；永樂北藏及龍藏：果

¹¹⁷ 大正藏：以；永樂北藏及龍藏：已

¹¹⁸ 大正藏：福；永樂北藏及龍藏：法

三者，琉璃。從忉利天下至閻浮利地。其忉利天人¹¹⁹欲至阿閼如來所時，從是梯陛下，忉利天人樂供養於天下人民，言：『如我天上所有欲比天下人民者，天上所有大不如天下，及復有阿閼如來、無所著、等正覺也。』』

佛語舍利弗：「忉利天人樂供養天下人民，天下人若上至忉利天者便不樂供養忉利天人。所以者何？我天下佛說經，如我天下所有，於是天上無也，不如我天下所有，我天下樂供養有佛。

「忉利天見天下人民，天下人民¹²⁰遙見忉利天宮殿，譬如此刹天下人遙見日、月、星辰殿舍。如是，舍利弗，其佛刹天下人遙見諸天宮殿如是及欲行天，承佛威神所致，是為阿閼如來佛刹所有善快。」

佛復語舍利弗：「阿閼如來佛刹三千大千世界皆說法，四輩弟子滿三千大千世界無空缺。阿閼佛刹弟子意不念：『今日當於何食？今日誰當與我食？』亦不行家家乞。時到，飯食便辦，滿鉢自然在前，即取食。食已，鉢便自然去，其刹飯食如是。諸弟子不復行求衣鉢也，亦不裁衣、

¹¹⁹ 大正藏：天；永樂北藏及龍藏：天人

¹²⁰ 大正藏：人；永樂北藏及龍藏：人民

亦不縫衣、亦不浣衣、亦不染衣、亦不作衣、亦不教人作，以佛威神所致，同共安樂自然生。

「阿閼如來不為諸弟子說罪事，如我為諸弟子說十四句法，阿閼如來不為諸弟子說如是之法。所以者何？其刹無有行惡者。

「阿閼佛不復授諸弟子戒。所以者何？其佛刹人無有短命者、亦無弊¹²¹惡人、無有穢濁劫、亦無有諸結、無有穢濁見，其刹以除諸穢濁¹²²。」

佛復語舍利弗：「阿閼佛說法時，諸弟子便度於習欲。所以者何？以¹²³棄於惡道故，其刹眾弟子終無有貢高、憍慢。不如此刹諸弟子於精舍行律，其刹弟子無有作是行者也。所以者何？舍利弗，用其人民善本具足¹²⁴故，所說法、悔過各得其所。其刹不說五逆之事，一切皆斷諸逆¹²⁵。以諸¹²⁶弟子不貪飲食、亦不貪衣鉢、亦不貪眾欲、亦不貪著也，為說善事行¹²⁷。所以者何？用少欲知止足故。

「舍利弗，阿閼佛不復授諸弟子戒，如我於

¹²¹ 大正藏：蔽；永樂北藏及龍藏：弊

¹²² 大正藏：諸惡穢濁；永樂北藏及龍藏：諸穢濁

¹²³ 大正藏：已；永樂北藏及龍藏：以

¹²⁴ 大正藏：具；永樂北藏及龍藏：具足

¹²⁵ 大正藏：逆已；永樂北藏及龍藏：逆

¹²⁶ 大正藏：諸；永樂北藏及龍藏：以諸

¹²⁷ 大正藏：事；永樂北藏及龍藏：事行

此授諸弟子戒。所以者何？其刹無有惡者，是謂¹²⁸弟子但以苦、空、非常、非身，以是為戒。其刹亦無有受戒事，譬如¹²⁹是刹正士於我法中除鬚髮、少欲而受我戒。所以者何？其阿閼佛刹諸弟子得自在聚會，無有怨仇。

「舍利弗，阿閼佛刹諸弟子不共作行便獨行道，不樂共行，但行諸善。其刹無有過精進者，亦不可見懈怠者。舍利弗，是為阿閼如來佛刹出家諸弟子之德行。」

佛語舍利弗：「阿閼如來為諸弟子說法時，弟子不左右顧視，一心聽經。中有住聽經者，身不知疲¹³⁰極；中有坐聽經者，身亦不知疲¹³¹極、意亦不令¹³²疲¹³³極也。」

「阿閼如來於虛空中說法時，諸弟子悉聽之，是時，得神足比丘、未得神足比丘，承佛威神，皆於虛空中行而聽法者¹³⁴。是諸弟子於虛空中以三品作行。何等三？一者，住；二者，經行¹³⁵；三者，坐。」

¹²⁸ 大正藏：諸；永樂北藏及龍藏：謂

¹²⁹ 大正藏：剃除；永樂北藏及龍藏：除

¹³⁰ 大正藏：罷；永樂北藏及龍藏：疲

¹³¹ 大正藏：罷；永樂北藏及龍藏：疲

¹³² 大正藏：念；永樂北藏及龍藏：令

¹³³ 大正藏：罷；永樂北藏及龍藏：疲

¹³⁴ 大正藏：法；永樂北藏及龍藏：法者

¹³⁵ 大正藏：經；永樂北藏及龍藏：經行

「中有坐般泥洹波藍坐居而般泥洹者，諸弟子皆般泥洹時，地即為大動，般泥洹已，諸天、人民共供養之；中有阿羅漢身中自出火還燒身而般泥洹；中有阿羅漢般泥洹時，自以功德行如疾風；中有譬如五色雲氣於空中行便不復知處；中有弟子自以功德便沒去，不復知處所¹³⁶，般泥洹如是；中有般泥洹時於虛空身中放水，其水不墮地便滅不現。其剎如是清淨，而令¹³⁷身滅不現；其剎如是清淨，令身滅不現而般泥洹。諸弟子般泥洹如是也，舍利弗，是為阿閼如來、無所著、等正覺昔行菩薩道時所願而有持成無上正真道，諸弟子以是三品般泥洹。」

「復次，舍利弗，阿閼如來佛剎諸弟子，無央數不可計諸弟子，少有不具足四解之事者，多有得四解事具足者；諸弟子少有不得四神足安隱行者，多有得四神¹³⁸足安隱行者。舍利弗，是為阿閼如來佛剎諸弟子所成德行。」

賢者舍利弗白佛言：「阿閼如來、無所著、等正覺佛剎，諸弟子所行皆是¹³⁹無極者也¹⁴⁰。」

¹³⁶ 大正藏：處；永樂北藏及龍藏：處所

¹³⁷ 大正藏：令；永樂北藏及龍藏：而令

¹³⁸ 大正藏：禪；永樂北藏及龍藏：神

¹³⁹ 大正藏：皆；永樂北藏及龍藏：皆是

¹⁴⁰ 大正藏：也；永樂北藏及龍藏：者也

諸菩薩學成品第四

爾時，賢者舍利弗心念言：「佛已說弟子所學成，願佛當復說諸菩薩所學成。所以者何？皆當學成是諸菩薩所照光明。」

時，佛即知賢者舍利弗心所念，即告舍利弗：「其阿閼如來、無所著、等正覺佛刹有若干百菩薩、若干千菩薩、若干億菩薩、若干億百千菩薩大會如是。」

佛語舍利弗：「諸菩薩摩訶薩於阿閼佛所下鬚髮皆承佛威神，悉受法語、諷誦、持之。如我於是所說法猶¹⁴¹為薄少耳，阿閼佛所說法無央數不可復計，比我所說法百倍、千倍、萬倍、億萬倍不在計中。舍利弗，是為阿閼如來昔行菩薩道時所願：『我成無上正真道最正覺時，令我佛刹諸菩薩，我說法時令諸菩薩皆承佛威神悉受、諷誦、持之。』」

佛復語舍利弗：「爾時，諸菩薩摩訶薩皆承佛威神，受所說法、諷誦、持。是諸菩薩摩訶薩自生意念欲從其刹至他方世界俱至諸如來所聽所說法，為諸佛、世尊作禮、諷誦之、復重問意

¹⁴¹ 大正藏：由；永樂北藏及龍藏：猶

解，為諸佛作禮、諷誦已、重問意解已，便復還至阿閼如來所。」

佛語舍利弗：「是陂陀劫中當有千佛，甫始四佛過。菩薩摩訶薩欲見是諸佛者，當願生阿閼佛刹。

「若有善男子、善女人於是世界、若他方世界終亡往生阿閼佛刹者，甫當生者即當得住弟子緣一覺地。所以者何？其有因緣見如來者及眾僧，為以斷弊魔羅網去，得近弟子緣一覺及佛地，當得無上正真道最正覺，其人為以成如來、為已¹⁴²見諸菩薩摩訶薩之事。

「菩薩生阿閼佛刹者，其行皆住清淨，為行諸法、為在諸法士、為已¹⁴³住於法、為佛道不可動轉，復當堅住阿惟越致。」

佛語舍利弗：「若善男子、善女人於是世界、若他方世界終亡生¹⁴⁴其刹者等輩得入諸佛住。

「其菩薩為得覺意入無恐懼覺意，菩薩合會於智慧度無極，在所各同義，見世尊知所住。

「其佛刹諸菩薩摩訶薩，在家者止高樓上、出家為道者不在舍止。」

¹⁴² 大正藏：以；永樂北藏及龍藏：已

¹⁴³ 大正藏：以；永樂北藏及龍藏：已

¹⁴⁴ 大正藏：往；永樂北藏及龍藏：生

佛告舍利弗：「阿閼佛說法時，諸菩薩摩訶薩承佛威神皆受法語、諷誦、持之。其不出家菩薩摩訶薩不面見佛所說時，在所坐處承佛威神皆亦聞法語，聞已即受、諷誦、持之；其出家菩薩摩訶薩身自面見佛說法時，及所行至坐處亦承佛威神皆聞，聞已即受、諷誦、持；是菩薩摩訶薩終亡已後俱持法語，所至生諸佛刹續念之。舍利弗，是為阿閼佛之善快。所以者何？如昔所願，自然得之。」

佛語舍利弗：「若有一世菩薩摩訶薩欲見若干百佛、若干千佛、若干萬佛、若干億那術百千佛者¹⁴⁵，當願生阿閼佛刹。菩薩已生阿閼佛刹者，便見若干百佛、若干千佛、若干億萬佛、若干億那術百千佛，當於其刹種諸德本，當為無央數百千人、無央數百千億人、無央數億那術百千人說法，亦當令種德本。」

佛言：「舍利弗，若菩薩摩訶薩於是陂陀劫中皆供養諸所佛、天中天，衣被、飯食、床臥具、病瘦醫藥供養已，便出家學道，悉於是諸佛、天中天下鬚髮為沙門；若復有菩薩摩訶薩不如¹⁴⁶於

¹⁴⁵ 大正藏：佛；永樂北藏及龍藏：佛者

¹⁴⁶ 大正藏：知；永樂北藏及龍藏：如

阿閼佛刹一世合會行度無極得福多？」

佛言：「舍利弗，是福德善本行具足，百倍、千倍、萬倍、巨億萬倍不與等。舍利弗，是為阿閼佛刹之善快。」

佛語舍利弗：「若一世菩薩於是世界、他方世界終亡生阿閼佛刹者，甫當生者皆得阿惟越致。所以者何？其佛刹無有弊¹⁴⁷魔事在前立，弊¹⁴⁸魔亦不嬈人。」

佛言：「舍利弗，譬如人呪力語呪毒呪蛇，除其毒便放捨，其力不可勝，救無央數人恐畏其蛇¹⁴⁹，蛇¹⁵⁰亦不恐人、亦不嬈觸人，如是，其人但以前世禪三昧行故，自以功德得滅於蛇毒。如是，舍利弗，阿閼佛昔求菩薩道時行願德本如是乃得佛道，消除於弊¹⁵¹魔毒不復嬈人。

「阿閼佛成無上正真道最正覺時，弊¹⁵²魔不能復來嬈、亦不能復嬈諸菩薩摩訶薩及凡人，一切皆不復嬈。

「三千大千世界中人如是先坐三昧寂定，以自威神生和耶越致天。於彼以前世因緣行廣普，

¹⁴⁷ 大正藏：弊；永樂北藏及龍藏：弊

¹⁴⁸ 大正藏：弊；永樂北藏及龍藏：弊

¹⁴⁹ 大正藏：恐畏；永樂北藏及龍藏：恐畏其蛇

¹⁵⁰ 大正藏：其蛇；永樂北藏及龍藏：蛇

¹⁵¹ 大正藏：弊；永樂北藏及龍藏：弊

¹⁵² 大正藏：弊；永樂北藏及龍藏：弊

亦於和耶越致天以因緣三昧、以自威神寂寞、以是比於彼說法。

「炎天聞之，聞已便得信歡喜，來供養諸弟子。炎天言：『乃作是無所著、知止足、空閑處作行。』其刹諸魔教人出家學道，不復憍人。舍利弗，是阿閼佛刹德之善快，夜初鼓時，先哀念人民，欲令度脫諸菩薩及學弟子并凡人安隱寂冥行。」

賢者舍利弗白佛言：「唯，天中天！若善男子、善女人以七寶滿三千大千世界持用布施得生阿閼佛刹者，其人不當惜也，便當布施。所以者何？其人不復墮弟子緣一覺道。所以者何？其人即為立不退轉地，從一佛刹復至一佛刹日常悉見諸佛，皆悉諷誦諸佛¹⁵³道行，當成無上正真道最正覺，常當見若干百佛、若干千佛、若干億那術百千佛，於彼積德本。」

舍利弗白佛言：「天中天！以是故，善男子、善女人以七寶滿三千大千世界布施得生阿閼佛刹者，其人當歡喜與，便安隱至其佛刹。」

佛言：「如是，舍利弗，菩薩摩訶薩為安隱得生阿閼佛刹。譬如出金地，無有礫石、亦無草

¹⁵³ 大正藏：佛；永樂北藏及龍藏：諸佛

木，中有紫磨金，人便取其金於火中試消合，以作諸物著之。如是，舍利弗，阿閼佛刹諸菩薩摩訶薩清淨微妙住清淨共會，是諸菩薩摩訶薩行也。

「其有生阿閼佛刹者，甫當生者皆一種類，道行悉等，諸菩薩當成如來。其人以過諸弟子緣一覺地是謂為一類道，無有眾邪異道。菩薩欲得一類者，當願生阿閼佛刹。

「舍利弗，是菩薩摩訶薩為成阿惟越致，阿閼佛為受決，以我不欲遣菩薩摩訶薩至阿閼佛所。譬如，舍利弗，轉輪王遣使者至諸小王所使持王寶物來。於是，聞王遣使者令諸小王來便愁憂涕泣，用王寶物故。夫人、嫫女及太子聞以寶物故皆畏王，便往至大王所居城垣，堅止頓其中，得安隱，不復恐見怨家、穀貴若¹⁵⁴。

「如是，舍利弗，我不欲遣諸菩薩至阿閼佛所，譬如彼王以寶物故令諸夫人、嫫女及太子同等愁憂。視求菩薩道人當如大王城所有寶處太子，為無有恐難。觀阿閼佛刹當如大王，弊¹⁵⁵魔見求菩薩道者，如是不復嬈亂。

「譬如王邊臣難當。如是，舍利弗，魔及魔

¹⁵⁴ 大正藏：苦；永樂北藏及龍藏：若

¹⁵⁵ 大正藏：弊；永樂北藏及龍藏：弊

天官屬不能當如來、無所著、等正覺。譬如孤寡恐懼之人畏對家，便往至城中即安，對家人無那¹⁵⁶之何。所以者何？是人已離於對人，得安隱處故。

「如是，舍利弗，諸菩薩摩訶薩生阿閼佛刹者，為以斷魔及魔天之道，其三千大千世界弊¹⁵⁷魔及魔天不復嬈求菩薩道及弟子道人及阿閼佛刹，魔及魔天不復起魔事，亦不復嬈。

「復次，舍利弗，若有菩薩往生阿閼佛刹者，甫當生者，其人不復為魔天之所嬈也。所以者何？阿閼佛昔行菩薩道便作是願德本：『令我成無上正真道最正覺，使我佛刹諸魔及魔天無有起魔事嬈亂者。譬如人飲毒，復飲餘¹⁵⁸毒藥，其飲食便消，其毒不行。』以等願故，如是，舍利弗，阿閼佛昔時作是願德本，乃至其佛刹諸魔及魔天子不復起魔¹⁵⁹事嬈亂，其佛刹所有德等乃如是。」

爾時，賢者舍利弗心念言：「願欲見其佛刹及阿閼佛并諸弟子等。」

於是，佛即知舍利弗心所念，即令如其像三昧正受神足行，承佛所致，賢者舍利弗於其座中

¹⁵⁶ 大正藏：奈；永樂北藏及龍藏：那

¹⁵⁷ 大正藏：弊；永樂北藏及龍藏：弊

¹⁵⁸ 大正藏：除；永樂北藏及龍藏：餘

¹⁵⁹ 大正藏：起；永樂北藏及龍藏：起魔

見阿閼佛刹及弟子等。

爾時，佛告舍利弗言：「汝寧見阿閼佛及諸弟子并佛刹不？」

對曰：「唯然，見之。天中天！」

「云何，舍利弗，汝意所知，寧復有勝阿閼佛刹諸天及人不？」

舍利弗白佛言：「天中天！我不復知有城郭能勝者也。其刹諸天及人民無有邪道，但有正道耳，極相娛樂。所以者何？我見其佛刹皆以天物快飲食、相娛樂，阿閼佛在中央，遍為諸弟子說法。

「譬如，天中天！人在大海中央，不見東方山樹木之際，亦不見南、西、北方樹木之際。如是，天中天！阿閼佛刹諸弟子不可得東方崖¹⁶⁰、亦復不可得南、西、北方之崖¹⁶¹。如是思惟聞法，身亦不動搖；天中天！於是思惟定，身便不動搖。阿閼佛刹諸弟子聽法，身不動搖坐定；如是聽法，身亦不動搖。

「若善男子、善女人於是三千大千世界滿七寶施¹⁶²與布施已得生阿閼佛刹者，當歡喜與，其

¹⁶⁰ 大正藏：涯；永樂北藏及龍藏：崖

¹⁶¹ 大正藏：涯；永樂北藏及龍藏：崖

¹⁶² 大正藏：持施；永樂北藏及龍藏：施

人便得安隱生阿閼佛刹菩薩摩訶薩。所以者何？其人如是得為阿惟越致。譬如，天中天！有人持王書及糧食，以王印封書往至他國。其人行至他國縣邑，中道無有殺者，亦無有能燒者，獨自往還無他。」

佛言：「如是也，舍利弗，菩薩摩訶薩生阿閼佛刹，甫當生者；於是世界、若他方世界終亡生阿閼佛刹者，皆得阿惟越致，便見無上正真道，從一佛刹復遊一佛刹，皆諷誦佛道事，常樂於佛、天中天，至成無上正真道最正覺。」

舍利弗白佛言：「天中天！是間須陀洹道菩薩摩訶薩生阿閼佛刹者，是適等耳。所以者何？須陀洹以斷截惡道住於道迹。如是，天中天！若有菩薩摩訶薩生阿閼佛刹者，甫當生者，是人皆現斷惡道，不復在弟子緣一覺地，從一佛刹復遊一佛刹，當樂於佛、天中天及弟子，至成無上正真道最正覺也。」

佛言：「如是，舍利弗，若有菩薩摩訶薩於是世界、若他方世界終亡生阿閼佛刹者，為以現過弟子緣一覺地，從一佛刹復遊一佛刹，皆諷誦諸佛道事、皆面見諸如來，至成無上正真之道最正覺。譬如，舍利弗，須陀洹度脫異道、惡法，

得道無有異。如是，舍利弗，若有菩薩摩訶薩於是世界、若他方世界終亡生¹⁶³阿閼佛刹者，甫當生者，其皆不復離無上正真道，從一佛刹復遊一佛刹，皆諷誦諸佛道事，常樂於佛、天中天無上正真道，至成無上正真道最正覺。」

賢者舍利弗白佛言：「天中天！是間斯陀含住往來地，菩薩摩訶薩生阿閼佛刹者是適¹⁶⁴等耳？天中天！是間阿那含住不復還地，菩薩摩訶薩生阿閼佛刹者是適¹⁶⁵等耳？天中天！是間阿羅漢住無所著地，菩薩摩訶薩生阿閼佛刹者是適¹⁶⁶等耳？」

佛告賢者舍利弗言：「莫得說是語。所以者何？是間菩薩摩訶薩受無上正真道決，菩薩生阿閼佛刹者是適¹⁶⁷等耳。

「復次，舍利弗，是間菩薩摩訶薩坐於佛樹下，菩薩生阿閼佛刹者是適¹⁶⁸等耳。所以者何？舍利弗，菩薩摩訶薩為現如來，弊¹⁶⁹魔不復能動搖，過弟子緣一覺地，從一佛刹復遊一佛刹，常

¹⁶³ 大正藏：往生；永樂北藏及龍藏：生

¹⁶⁴ 大正藏：這；永樂北藏及龍藏：適

¹⁶⁵ 大正藏：這；永樂北藏及龍藏：適

¹⁶⁶ 大正藏：這；永樂北藏及龍藏：適

¹⁶⁷ 大正藏：這；永樂北藏及龍藏：適

¹⁶⁸ 大正藏：這；永樂北藏及龍藏：適

¹⁶⁹ 大正藏：弊；永樂北藏及龍藏：弊

皆隨諸佛之教¹⁷⁰，至成無上正真道最正覺。」

爾時，阿難心念言：「我欲試須菩提知報我何等言。」

賢者阿難問賢者須菩提言：「唯，須菩提！為見阿閼佛及諸弟子等并其佛刹不？」

須菩提謂阿難言：「汝上向視。」

阿難答言：「仁者須菩提！我已上向視，上皆是虛空。」

須菩提謂阿難言：「如仁者上向見空，觀阿閼佛及諸弟子等并其佛刹當如是。」

爾時，賢者舍利弗問言：「如屬天中天所說：是聞¹⁷¹菩薩摩訶薩受決，菩薩生阿閼佛刹者是適¹⁷²等耳。天中天！以何故等而等？」

佛告舍利弗言：「用法等故而等。」

佛說阿閼佛國經卷中

¹⁷⁰ 大正藏：教令；永樂北藏及龍藏：教

¹⁷¹ 大正藏：聞；永樂北藏及龍藏：聞

¹⁷² 大正藏：這；永樂北藏及龍藏：適

佛說阿闍佛國經卷下

後漢月支三藏支婁迦識譯

阿闍佛般泥洹品第五¹⁷³

爾時，賢者舍利弗心念言：「佛已說阿闍佛昔者行菩薩道時德號、復說佛刹之善快、亦復說諸弟子及諸菩薩所學成願，佛當復說阿闍佛摩訶般泥洹時有何感應。天中天！」

於是，佛即知舍利弗心所念，便告舍利弗言：「阿闍佛摩訶般泥洹是日，一切三千大千世界諸郡國變化作化人而說法。所可說者，如前所說法。時，人民復行阿羅漢道，不復上下便令住阿羅漢道。

「阿闍佛般泥洹時，有菩薩摩訶薩名眾香手，當授是眾香手菩薩決，號曰羞洹那洹波頭摩¹⁷⁴如來、無所著、等正覺。

「復次，舍利弗，其金色蓮華佛之刹所有善快，亦當如阿闍佛刹之善快所有安諦，金色蓮華佛所有眾弟子亦當如阿闍佛。

¹⁷³ 大正藏：阿闍佛國經佛般泥洹品第五

¹⁷⁴ 大正藏：波頭摩（漢言金色蓮華）；永樂北藏及龍藏：波頭摩

「復次，舍利弗，阿閼佛摩訶般泥洹時，當大動搖皆悉遍三千大千世界，聲上聞阿漸貨羅天乃至復¹⁷⁵聞阿迦泥¹⁷⁶吒天；阿閼佛般泥洹時當有是瑞應。

「復次，舍利弗，阿閼佛刹諸好藥、樹木皆曲向阿閼佛般泥洹所作禮。

「阿閼佛摩訶般泥洹時，諸天及人民持華香、雜香、搗香供養散其身上，供養已，其諸天人民華香、雜香、搗香及餘寶上至虛空四十里成圓華蓋。

「阿閼佛摩訶般泥洹時，其三千大千世界諸天、龍、鬼神、捷陀羅、阿須輪¹⁷⁷、迦留羅、真陀羅、摩休勒皆向。

「阿閼佛摩訶般泥洹時，是人民及諸天，以佛威神所致，悉見阿閼佛摩訶般泥洹時。

「復次，舍利弗，阿閼佛摩訶般泥洹時，諸天及人民晝夜常愁憂言：『阿閼佛般泥洹大疾為已亡人民娛樂，不復得樂所欲。』意愁憂言：『阿閼佛般泥洹大疾，亡失人民安隱。』意愁憂言：『亡天下眼。』」

¹⁷⁵ 大正藏：復至；永樂北藏及龍藏：至復

¹⁷⁶ 大正藏：尼；永樂北藏及龍藏：泥

¹⁷⁷ 大正藏：倫；永樂北藏及龍藏：輪

佛語舍利弗：「若有菩薩摩訶薩於是世界、若他方世界終亡生阿閼佛刹者，甫當生者，其人皆為已¹⁷⁸受決，從一方復至一方共等輩遊行、若干百千等輩共遊行，菩薩摩訶薩當見若干百千如來、當見無數佛、當見無數薩芸若。

「若有菩薩摩訶薩於是世界、若他方世界終亡生阿閼佛刹者，甫當生者，其人亦與眾等俱遊行，以佛威神所致薩芸若故為阿惟越致。

「菩薩摩訶薩聞是阿閼佛德號法經，皆為離魔羅網。

「復次，舍利弗，阿閼佛摩訶般泥洹時，至法行在者、諸菩薩摩訶薩生阿閼佛刹者，亦當與等輩遊行，求索阿閼佛昔時願，然後當生阿閼佛刹。菩薩摩訶薩便當諷誦八百門，諷誦已皆當諷誦諸法，便有上微妙阿閼佛刹。諸菩薩摩訶薩得念行住八百門：『我當生阿閼佛刹。』亦當諷誦八百門，諷誦已皆當復諷誦諸法，見上妙句，如是諦受之菩薩摩訶薩。

「阿閼佛現在及般泥洹時說法等無異，佛刹等如來所示現，從阿惟越致至成無上正真道最正覺。

¹⁷⁸ 大正藏：以；永樂北藏及龍藏：已

「復次，舍利弗，阿閼佛身中自出火，還燒身已便作金色，即碎若芥子不復還復，訖已便自然去¹⁷⁹。譬如，舍利弗，有樹名坻彌羅，若髮段¹⁸⁰斷已不復見，自然生。如是，舍利弗，阿閼佛摩訶般泥洹時，身破碎不復見，還自然生。

「復次，舍利弗，阿閼佛摩訶般泥洹時，其身骨坐處見自然。譬如有山，碎破其山不復見，自然還其處。如是，舍利弗，阿閼佛摩訶般泥洹時，其骨自破碎，其身骨不復見，還自然。時一切三千大千世界人民皆供養其身，以七寶作磬¹⁸¹，其三千大千世界當以七寶磬¹⁸²及葉金色蓮華而莊嚴。

「復次，舍利弗，阿閼佛刹諸菩薩摩訶薩當作禮，有瑞應乃如是，自然諸寶於其處在前住。

「其有菩薩摩訶薩往生阿閼佛刹者，甫當生者，當見佛意無亂；命過時，一切諸天人當供養其身。諸天及人民願發起是供養其身，菩薩摩訶薩自以功德稍於虛空疾行，都不復知其處。譬如，舍利弗，持草¹⁸³著火中熏烟而出¹⁸⁴，其烟上於虛

¹⁷⁹ 大正藏：生；永樂北藏及龍藏：去

¹⁸⁰ 大正藏：段段；永樂北藏及龍藏：段

¹⁸¹ 大正藏：塔；永樂北藏及龍藏：磬

¹⁸² 大正藏：塔；永樂北藏及龍藏：磬

¹⁸³ 大正藏：草木；永樂北藏及龍藏：草

¹⁸⁴ 大正藏：行；永樂北藏及龍藏：出

空中，亦於虛空中而行、亦於虛空中都滅，不知所至處；其佛刹諸菩薩摩訶薩法身如是。

「復次，舍利弗，阿閼佛刹菩薩摩訶薩壽命盡、臨壽終時，見餘菩薩摩訶薩他方世界坐佛樹下時，是諸菩薩摩訶薩臨壽終時瑞應。復見餘菩薩入母腹中時，亦復見餘菩薩摩訶薩從母右脇出生¹⁸⁵出時，行七步時，見在娉女中相娛樂時，見餘菩薩摩訶薩出家學道時，見餘菩薩坐佛樹下降伏魔得薩芸若慧時，見他方世界諸佛、天中天轉法輪時。」

佛言：「舍利弗，阿閼佛刹菩薩臨壽終時，以是比有自然瑞應。

「復次，舍利弗，阿閼佛摩訶般泥洹時，佛所說法當住至若干百千劫。」

賢者舍利弗問佛言：「天中天！以何等數佛所說法住至百千劫？」

佛告舍利弗言：「二十小劫為一劫，是為數佛所說法住至百¹⁸⁶千劫。

「復次，舍利弗，其法滅盡時，一切三千大千世界當大照明、其地當大動。其法不是弊¹⁸⁷魔

¹⁸⁵ 大正藏：生；永樂北藏及龍藏：出生

¹⁸⁶ 大正藏：百；永樂北藏及龍藏：至百

¹⁸⁷ 大正藏：弊；永樂北藏及龍藏：弊

及魔天之所滅，亦不是天中天弟子所滅。諸比丘稍樂寂往還，是稍寂共往還已，俱行不復大聽聞法；不聽聞已，亦不大承用，復不得大精進，法師比丘於法教亦寂。說法少，以是故法稍滅盡，稍稍不見。」

爾時，賢者舍利弗問佛言：「云何，天中天！菩薩摩訶薩用何等德行故得生阿閼佛刹？」

佛告舍利弗：「是菩薩摩訶薩當學阿閼佛昔求菩薩道時行，當發如是意願：『令我生阿閼佛刹。』菩薩摩訶薩用是行故得生彼佛刹。

「復次，舍利弗，菩薩行布施度無極，積累德本，持願無上正真道，得在阿閼佛邊；菩薩摩訶薩用是行故得生彼佛刹。菩薩行戒¹⁸⁸度無極，持願無上正真道，得在阿閼佛邊；菩薩摩訶薩用是行故得生彼佛刹。菩薩行忍辱度無極，持願無上正真道，得在阿閼佛邊；菩薩摩訶薩用是行故得生彼佛刹。菩薩行精進度無極，持願無上正真道，得在阿閼佛邊；菩薩摩訶薩用是行故得生阿閼佛刹。菩薩行一心度無極，持願無上正真道，得在阿閼佛邊；菩薩摩訶薩用是行故得生彼佛刹。菩薩行智慧度無極，持願無上正真道，得在阿閼

¹⁸⁸ 大正藏：誡；永樂北藏及龍藏：戒

佛邊；菩薩摩訶薩用是故得生彼佛刹。

「復次，舍利弗，『阿閼佛光明皆炎照三千大千世界，我當願見是，已¹⁸⁹令我成無上正真道最正覺，當復自炎照其佛刹。』菩薩摩訶薩用是行故得生阿閼佛刹。

「『我當見阿閼佛刹無央數不可計諸弟子見已，我亦當作如是行，令我成無上正真道最正覺時，使有無央數諸弟子。』菩薩摩訶薩用是行故得生阿閼佛刹。

「『阿閼佛刹有若干百菩薩、若干千菩薩、若干百千菩薩，我當見是諸尊菩薩寂寞觀行，我當學之。當於處處曉了知之，我當與同學等無差特，當與是一等類俱在一處。欲具大慈大悲，用佛故、沙門義故，無辟支佛義、無有弟子之行、無有弟子意、無有緣一覺意，諦住於空、無有惡道法，於諸佛名等、諸如來名等、薩芸若名等、於諸法名等、於眾僧名等，常念諸名等，如諸菩薩摩訶薩。』

「若有善男子、善女人聞名得生阿閼佛刹，何況合會諸度無極善本持願阿閼佛刹？合會眾善本已，便成無上正真道最正覺，何況合會諸度

¹⁸⁹ 大正藏：見已；永樂北藏及龍藏：已

無極眾善本便得生阿閼佛刹？菩薩摩訶薩用是行故，得生阿閼佛刹。

「復次，舍利弗，菩薩摩訶薩欲生阿閼佛刹者，當念東方不可計諸佛、天中天善法品等因緣，諸佛、天中天所可說法，念其無有等者。『令我成無上正真道最正覺，當復說法如是。如諸佛、天中天念其眾弟子因緣等，我何時成無上正真道最正覺亦當有無央數不可計諸弟子眾。』」

「舍利弗，若有善男子、善女人當念三事，當曉了念是三大事。

「若善男子、善女人以念是三大事合會德本，為一切眾生作迹念持願、作無上正真道，用一切眾生故願三事。

「善男子、善女人、菩薩摩訶薩願無上正真道，不可限一切眾生，若有人來以器欲限取虛空，來已謂言：『善男子！持善本與我共分布¹⁹⁰之。』」

佛言：「舍利弗，若使善本有色者，一切眾生便可以器滿限取，虛空不可竟，是善本以器取如是，舍利弗，願善本於無上正真道，是亦不可以器取，如是謂為薩芸若善本。

「若有念三事善本便轉得三寶；若有菩薩摩

¹⁹⁰ 大正藏：分；永樂北藏及龍藏：分布

訶薩念是三事善本願皆見善法；菩薩行三事善本願降伏眾魔及官屬，所向欲念生阿閼¹⁹¹佛刹即得生其佛刹，南方、西方、北方、上方、下方亦如是、四維亦如是。

「若有菩薩摩訶薩念是三事善本積累以持作勸助，勸助已持願向阿閼佛刹，其人即得生其佛刹。」

佛告舍利弗：「若干百佛刹、若干千佛刹、若干百千佛刹，如是佛刹之善快，諸佛刹之善快空耳，阿閼佛刹亦如是。

「『我當見其佛刹之善快，見是以我亦當取。如是比佛刹之善快，當勸助若干百菩薩、若干千菩薩、若干百千菩薩，為現故¹⁹²令歡喜踊躍，上及阿閼世尊等。』菩薩摩訶薩用是行故，得生阿閼佛刹。」

「若有菩薩摩訶薩專發是意向阿閼佛，若使不行者，如是為欺，專發是意便得生阿閼佛刹。」

「譬如有城中，無市、無有園、浴池及萬物，亦無有象馬，亦無有往來中者。云何，舍利弗，其城寧有疆¹⁹³王在其中止不？是城德為最下，如

¹⁹¹ 大正藏：何；永樂北藏及龍藏：阿閼

¹⁹² 大正藏：正；永樂北藏及龍藏：故

¹⁹³ 大正藏：疆；永樂北藏及龍藏：疆

是為快不？

「疆王在大城，其城有善德萬物，如是城為最上也。

「如是，舍利弗，於是我三千大千世界佛刹力之善快，如我佛刹為下耳，是不為上好也，是聞¹⁹⁴我佛刹所有之善快如是。舍利弗，若菩薩欲淨其佛刹之善快者、欲取者，當如是清淨取之，如阿閼佛昔行菩薩道時所取清淨佛刹之善快。

「復次，舍利弗，於是成無上正真道最正覺，令人民在須陁¹⁹⁵洹道、斯陁¹⁹⁶含、阿那含、阿羅漢道，復教令在辟支佛道。我所教授諸弟子及餘弟子皆共合會，當令在阿閼佛刹諸弟子眾邊百倍、千倍、萬倍、億百千倍、巨億萬倍不與等，但說解脫者無有異。我諸弟子及彌勒佛所有諸弟子及復餘弟子皆復共合會，當令在阿閼佛刹諸弟子眾邊是亦百倍、千倍、萬倍、億萬倍不與等。所以者何？阿閼佛一一說法時，人民得道者不可復計。」

佛言：「舍利弗，置我諸弟子、復置彌勒佛諸弟子，於陂陁¹⁹⁷劫中諸佛、天中天所有諸弟子

¹⁹⁴ 大正藏：聞；永樂北藏及龍藏：聞

¹⁹⁵ 大正藏：陀；永樂北藏及龍藏：陁

¹⁹⁶ 大正藏：陀；永樂北藏及龍藏：陁

¹⁹⁷ 大正藏：陀；永樂北藏及龍藏：陁

及餘得道弟子復共合會，當令在阿閼佛刹諸弟子眾邊百倍、千倍、萬倍、億萬倍、巨億萬倍不與等，但說解脫者無異人。」

爾時，賢者舍利弗白佛言：「如天中天所說、如我所知，當觀其佛刹為阿羅漢刹、不為凡夫之刹也。所以者何？彼阿羅漢甚眾多。」

佛言：「如是，舍利弗，彼刹阿羅漢生死已盡者，甚眾多。三千大千世界¹⁹⁸所有星宿不可計、亦不可知多少，阿閼佛一一說法時得阿羅漢者不可計。如是，舍利弗，一一聚會時不可計無央數人得阿羅漢道。三千大千世界中星宿可知數。阿閼佛刹是諸天人民以天眼見光明，用積累德本，阿閼佛刹三千大千世界，是諸人民善男子、善女人，晝夜往至阿閼佛所。若有聞是德號法經，聞已即受、持、諷誦者，舍利弗，是善男子、善女人前世為皆已聞見阿閼佛昔求菩薩道時。所以者何？若有聞是德號法經，即有信者。

「是阿閼佛德號法經，十方等世界佛刹求菩薩道及求弟子道之人悉受、諷誦、持說之。他方佛刹諸阿惟越致菩薩摩訶薩住及餘菩薩，亦說阿閼佛所結願，及生阿閼佛刹者、甫當生者，東方

¹⁹⁸ 大正藏：界中；永樂北藏及龍藏：界

如是¹⁹⁹，南方、西方、北方、上方、下方等十方亦如是。

「一切諸佛刹求菩薩道人皆受是德號法經、諷誦、持說之，阿惟越致菩薩摩訶薩住，復有成無上正真道最正覺；及餘菩薩亦如是說阿閼佛所結願，及生其佛刹者、甫當生者。

「如是，舍利弗，阿閼佛阿比羅提世界住，炎照十方等諸求菩薩道之人。

「若有善男子、善女人諷誦阿閼佛德號法經，聞已即持、諷誦、願生阿閼佛刹者，臨壽終時，阿閼佛即念其人。所以者何？儻弊²⁰⁰魔得其便即轉所願，如來故念之，其善男子、善女人不復轉，會當得所願及無上正真道。若有他異因緣，無能嬈害者。如是，火、刀、毒、水，是亦不行；若復有搥捶者，是亦不向；亦不畏人、非人，其人如是等見護，便生阿閼佛刹。」

佛言：「譬如，舍利弗，日宮殿遠住，遙炎照天下人；如是，阿閼佛遠住，炎照他方世界諸住菩薩摩訶薩。

「譬如得天眼比丘遠住，遙見色之光；如是，

¹⁹⁹ 大正藏：亦如是；永樂北藏及龍藏：如是

²⁰⁰ 大正藏：弊；永樂北藏及龍藏：慙

舍利弗，阿閼佛遠住，遙見他方世界諸住菩薩摩訶薩，見其顏色、形類。

「譬如神通比丘遠住，知他人意所念；如是，舍利弗，阿閼佛遠住，遙知他方世界諸住菩薩摩訶薩意。

「譬如神通比丘遠住，遙以天耳聞聲；如是，舍利弗，阿閼佛遠住，遙聞他方世界諸菩薩摩訶薩語及生其剎者，是善男子、善女人，阿閼佛知其名字及種姓。

「若有受是德號法經、諷誦、持者，舍利弗，是人為見阿閼佛，當知是人臨壽終時，阿閼佛即為其人。」

賢者舍利弗白佛言：「難及，天中天！諸佛、世尊諦囑累諸菩薩摩訶薩。」

佛言：「如是，舍利弗，諸佛、天中天諦囑累諸菩薩摩訶薩。所以者何？菩薩諦受囑累者，便為諦受一切眾生已。譬如轉輪王，若有第一、第二、第三、第四、第五、第十、第二十，不可計諸倉，中有稻米、大麥、小麥及種種穀，穀貴時便出令穀賤。如是，舍利弗，菩薩如來說²⁰¹竟，菩薩摩訶薩未成最正覺時，譬如穀貴；已成無上

²⁰¹ 大正藏：記；永樂北藏及龍藏：說

正真道最正覺，便安隱說法如穀賤。是故，諸佛、天中天諦囑累諸菩薩摩訶薩。」

佛言：「舍利弗，若有菩薩摩訶薩聞是阿閼佛德號法經，聞已即受、諷誦、持，雖不願生阿閼佛刹者，當知是菩薩摩訶薩為比阿惟越致。

「若有菩薩摩訶薩受是阿閼佛德號法經，持已受、諷誦，為若干百人、若干億百千那術人解說之，當令若干億那術百千人積累德本。是人如所積德本，其菩薩是德本不可計；是菩薩摩訶薩德本眾多已，便坐無上正真道。」

佛言：「舍利弗，若有菩薩摩訶薩欲疾成無上正真道最正覺者，當受是德號法經、當持、諷誦；受持諷誦已，為若干百、若干千、若干百千人²⁰²解說之，便念如所說事，即得大智慧、其罪即畢；以得是大智慧、其罪畢已，其人自以功德便盡生死之道。」

佛告舍利弗：「若有善男子、善女人求弟子道者，聞是阿閼佛德號法經便當受持、當諷誦；受持諷誦已，為若干百人、若干千人、若干百千人解之。若有善男子、善女人受是法經，自以功德即自取阿羅漢證。」

²⁰² 大正藏：人；永樂北藏及龍藏：人人

佛言：「舍利弗，若有善男子、善女人專持說是德號法經，是人如是便捨等正覺，自以功德取阿羅漢證。」

佛語舍利弗：「是阿閼佛德號法經終不至癡人手中，當至黠人手中。」

佛言：「舍利弗，是善男子、善女人是德號法經至其手中者，為見如來已。譬如，舍利弗，種種諸寶其價甚重，從大海採來者，云何，舍利弗，從大海採種種寶，當先至誰手中？」

舍利弗言：「天中天！當先至國王、若太子、左右手中。」

佛言：「如是，舍利弗，是阿閼²⁰³德號法經當²⁰⁴至菩薩手中及阿惟越致。

「復次，舍利弗，菩薩摩訶薩聞是阿閼²⁰⁵德號法經便受、持、諷誦，諷誦已，即當專成無上正真道最正覺。」

賢者舍利弗白佛言：「是阿閼佛德號法經，薄德之人終不得聞、受、持、諷誦。所以者何？天中天！不能得阿惟越致故。」

佛告賢者舍利弗：「審如是。若有善男子、

²⁰³ 大正藏：阿閼佛；永樂北藏及龍藏：阿閼

²⁰⁴ 大正藏：當先；永樂北藏及龍藏：當

²⁰⁵ 大正藏：阿閼佛；永樂北藏及龍藏：阿閼

善女人持金銀滿是天下以布施，願言：『我持是使聞阿閼佛德號法經。』薄德之人終不得聞是經，亦不得受、持、諷誦。菩薩摩訶薩聞阿閼佛德號法經者，為成阿惟越致行；聞已，受持、諷誦，是故專得無上正真道行。」

佛語舍利弗：「二生補處、三生補處等正覺求弟子道人所不能及。若有聞阿閼佛德號法經，受持、諷誦，為若干百人、若干千人、若干百千人說之，譬如，舍利弗，轉輪王以福德自然生七寶。如是，舍利弗，阿閼佛昔願所致，我為說是德號法經。若有菩薩摩訶薩說是德號法經，若復有菩薩摩訶薩聞是經，甫當聞者亦福德所致。」

佛語舍利弗：「阿閼佛德號法經於是陂陁²⁰⁶劫中所有諸佛、天中天皆當說是經，如是令無缺減安諦，亦如我所說。若有菩薩摩訶薩欲疾成無上正真道最正覺者，當受是阿閼佛德號法經，當持、諷誦、說之、當令廣普。

「若是德號法經在郡國、縣邑，有善男子、善女人受持諷誦，其菩薩摩訶薩有是經為護郡國、縣邑。

「其有受是德號法經當持、諷誦，復出家學

²⁰⁶ 大正藏：陀；永樂北藏及龍藏：陁

道離罪，菩薩摩訶薩當令居家學道者知之。所以者何？善男子、善女人儻²⁰⁷不能究竟是德號法經。」

佛語舍利弗：「若遠郡國、縣邑有行是經，菩薩摩訶薩往²⁰⁸至彼，當受是經、諷誦、持說。善男子、善女人雖不諷誦，但有是經卷當說²⁰⁹供養之；若不得經卷者，便當寫之。若使其人不與是經卷持歸寫者，菩薩便就其家寫之；若使善男子、善女人言自餓寫²¹⁰，當自²¹¹餓寫之；若言經行寫，當經行寫之；若言住寫，當住寫之；若言坐寫，當坐寫之。」

佛說阿闍佛國經卷下

²⁰⁷ 大正藏：黨；永樂北藏及龍藏：儻

²⁰⁸ 大正藏：當往；永樂北藏及龍藏：往

²⁰⁹ 大正藏：設；永樂北藏及龍藏：說

²¹⁰ 大正藏：餓寫者；永樂北藏及龍藏：餓寫

²¹¹ 大正藏：自；永樂北藏及龍藏：當自

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無東方妙喜世界大慈大悲阿闍佛

南無阿闍佛 (合掌三稱)

禮佛發願文

(一編)

歸命十方調御師 演揚清淨微妙法
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生妙喜國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

